

## ՄԵՄԻՆԱՐ ՔԱՆԱՆԱՅԻՑ ԼՍԱՐԱՆՈՒՄ

Օրերս Եկեղեցիների Համաշխարհային Խորհրդի Հայաստանի Կոր Սեղան Էկումենիկ հիմնադրամը Մայր Աթոռ Ս. Էջմիածնի Քահանայից լսարանում կազմակերպել էր սեմինար՝ լսարանում ուսանող ապագա հոգևորականների համար: Մեմինարի նպատակն էր՝ հարստացնել ապագա հոգևորականների ունեցած գիտելիքները ՁԻՂՏ-ի մասին և նրանց փոխանցել Ռուս Ուղղափառ Եկեղեցու փորձը՝ այդ հիվանդությանը փառապաղ մարդկանց օգնության հարցում:

Երկօրյա սեմինարին զեկուցումներով հանդես եկան ԵՆՍ Հայաստանի Կոր Սեղան Էկումենիկ հիմնադրամի ղեկավար Կարեն Նազարյանը, «Արմենիկում» կենտրոնի ներկայացուցիչ, լաբորատոր հեքագորական խմբի ղեկավար Տիգրան Դավթյանը, Ռուս Ուղղափառ Եկեղեցու արտաքին կապերի բաժնի աշխատակցուհի Մարգարիտա Նեյտրովան, բժիշկ Իրինա Կրուկովան և հոգևրան Մարինա Նիկիտինան՝ Մոսկվայից:

Ինչպես նշեց Մարգարիտա Նեյտրովան, ընդունված բարոյական չափանիշների արժեքկման մեր ժամանակներում Եկեղեցու դերը բարոյական արժեքների վերականգնման հարցում անգնահատելի է: Մյուս կողմից՝ ՁԻՂՏ շարժարակալիքներ, անբուժելի հիվանդության փաստին բախվելով, հաճախ վերափոխում են իրենց կյանքը և դիմում Եկեղեցու օգնությանը: Այս առումով Ռուս Ուղղափառ Եկեղեցին ՁԻՂՏ-ով հիվանդների հոգևոր և բարոյական աջակցության որոշակի փորձ արդեն ունի և պատրաստակամ է կիսել այն այլ Եկեղեցիների հետ:

«Արձագանքելով Եկեղեցիների Համաշխարհային Խորհրդի Հայաստանի Կոր Սեղան Էկումենիկ հիմնադրամի համագործակցության ծրագրին, մեր ռուս հավատարկիցները քրիստոնյային վայել պարզի գիտակցումով, սիրով և անշահախնդրությամբ եկան Հայաստան և դասախոսեցին մեր ապագա հոգևորականների համար,- նշում է Եկեղեցիների Համաշխարհային Խորհրդի Հայաստանի Կոր Սեղան Էկումենիկ հիմնադրամի կորդինատոր Կ. Նազարյանը: - Վստահ եմ, որ այս սեմինարի ընթացքում ձեռք բերած գիտելիքները մեր ապագա հոգևորականներին պեպք կզան իրենց հոգևոր և այդչափ պատասխանատու ծառայության ժամանակ»:

Դասընթացի ավարտին Ն.Ս.Օ.Տ.Տ. Գարեգին Բ Ամենայն Հայոց Կաթողիկոսն ընդունեց սեմինարի կազմակերպիչներ ԵՆՍ Հայաստանի Կոր Սեղան Էկումենիկ հիմնադրամի համակարգող պրն Կարեն Նազարյանին և Ռուս Ուղղափառ Եկեղեցու արտաքին կապերի բաժնի աշխատակցուհի Մարգարիտա Նեյտրովային:

Նորին Սրբությունը բարձր գնահատեց ԵՆՍ Հայաստանի Կոր Սեղանի գործունեությունը, ապա կարևորեց Եկեղեցիների միջև նման կապերի հաստատման անհրաժեշտությունը, ինչը հնարավորություն է ընձեռում քույր Եկեղեցիներին՝ փոխանցելու միմյանց փորձեր ոլորտներում իրենց փորձառությունը:

ՄԱՅՐ ԱԹՈՒ ՍՈՒՐԲ ԷԶՄԻԱԾՆԻ  
ՏԵՂԵԿԱՏՎԱԿԱՆ ՎԱՄԱԿԱՐԳ